

光緒二十六年

大清德宗同天崇運大中至正經文緯武仁孝睿智端佑寬勤景皇帝實錄卷之四百七十四

光緒二十六年庚子冬十月己亥朔

上指

慈禧端佑康頤昭豫莊誠壽恭欽獻崇熙皇太后前問安。至戊辰皆如之。○諭內閣馬安良所部各營現有。三營業經來院。加恩著賞給米一百五十石。由前路糧臺發給。該軍仍遵前旨折回駐紮涇州一帶。馬安良著即來行在豫備召見。○諭軍機大臣等。前諭令董福祥裁併各營。仍歸二十五營之數。茲據該提督覆稱。際此餉項艱難之時。現已併成二十營。請

德宗景皇帝實錄 卷四百七十四

一

免添足五營。以省周折而節軍餉。其擬實心辦事。能顧大局。應即照准。另飭鄧增召募三營。並將武衛中軍石光寶等所帶二營。由直撤回。一併交鄧增統帶。○又諭電哥錫良。武衛中軍吳炳彝所統之石光寶等兩營。現已行抵何處。著錫良即行查明飭令迅速來院交鄧增統帶。○湖廣總督張之洞奏鄂省防營亟需馬匹。派員往張家口各處採買。請飭部給票並行知各口監督免稅放行。下所司知之。○密雲副都統信恪奏密雲滿營銀橋不繼。請飭撥款項以濟軍食。得旨著李鴻章迅飭藩司設法籌撥。○護理貴州巡撫邵積誠奏黔省民情浮動。警報頻聞。當以彈內惠鎮人心為先務。得旨著

即將地方應辦事宜認真整頓。以定人心。○命浙江學政李蔭馨即赴新任。毋庸來行在請訓。○調江西九江鎮總兵宋朝儒為安徽壽春鎮總兵官。安徽壽春鎮總兵張行志為江西九江鎮總兵官。○庚子全權大臣大學士李鴻章奏請將題本暫緩送閱。報開。○吏部尚書管理國子監事務徐郃奏。國子監衛署並未損失。報開。○湖廣總督張之洞奏查李康有為黨實有案。會以杜亂源。得旨即著電知三江兩廣等省一體密訪嚴拿。嚴廠染勉解散黨與。務期淨絕根株。以遏亂萌。○又奏鄂省餉項支絀。請暫借英商匯豐銀行洋款。以應急需。下所司知之。○山東巡撫袁世凱奏防務繁。勇糧不

德宗景皇帝實錄 卷四百七十四

二

敷。擬將東海關洋稅充武衛右軍月餉。允之。○呼蘭副都統倭允津奏等春遵黑龍兵。聽候和議。得旨東三省被據地方已與俄國商明。添增募兵。順次接此。該大臣等仍須忍耐料理。靜聽款議消息。○以前宗人府府丞薛允升。署刑部左侍郎。○辛丑。諭軍機大臣等。電哥錫良等。三電均悉。現在京師正將開議。費端為不可開。仍著督飭各軍。嚴密防堵。相機辦理。仍隨時確探電奏。勿稍疏虞。○命江蘇巡撫松壽。速赴新任。以江西布政使張謇。暫提江西巡撫。○以辦理前路糧臺。予刑部郎中俞啟元等三十二員。升敘加銜有差。免總兵李福壽議處。復副將呂登科。原銜。○壬寅。諭內閣。御史

管足敵。陝西省年饑。糧書小民生計維艱。請肅營規。以通商賈。而裕食用。一摺。陝省現值災歉。民食維艱。全賴商賈。源源販運。以資接濟。若如該御史所奏。兵勇占住民房。諸多騷擾。以致商旅裹足。糧價日昂。實屬不成事體。所有各處勇營著該統領等。嚴飭一律築立營壘。居住帳棚。不准占住民房。客店。致礙商賈。至西安省城內之兵勇。除虎神神機兩營。已飭於旗營駐紮操演。及現留護衛供差外。著岑春煊查明。無論何營。一併飭於郊外擇地。支帳立營。均不許占住民房。客店。並著出示。招來商賈。販運米糧。以濟民食。凡運糧過境。即著各該省督撫。通飭各州縣。設立堆卡。認真護運。並飭陝豫

德宗景皇帝實錄

卷四百七十四

三

一帶關卡。將糧石稅釐。暫行豁免。以恤商力。而拯荒歉。此復據仍有兵勇散處紛擾。即將該營管帶嚴行參辦。其商賈運糧。如有州縣需索逼糶之弊。並著指名履參。均毋徇縱。將此通諭知之。○諭軍機大臣等。錫良奏。忠義軍應支月餉。普庫無款可籌。一摺。總兵劉光才所統忠義軍五營。前經劉坤一奏請。該軍月餉。應歸山西照章撥發等情。茲據錫良奏。晉省餉銀存儲。庫儲如洗。無款可籌。請將忠義軍月餉。仍歸江南撥解。尚屬實在情形。劉光才所統五營。應支月餉。即著劉坤一迅速籌解。源源接濟。毋令缺乏。該督公忠體國。自當力顧大局。毋域不分也。將此由六百里各諭令知之。○又諭。有人

奏河南陝州電池。靈寶。閿鄉一帶。客店大半關閉。官差過境。地方官按設驛站。藉端苛派騷擾。民間控訴。俱置不理。請飭查辦等語。著于蔭霖按照所指各節。確切查明。從嚴參辦。原片著鈔給閱看。將此諭令知之。○又據電寄家慶。江甯悉洋兵西進不止。其為意在尋仇。可知。著宋慶等。迅速派妥員前往開誠布告。以弭殺禍。前朝廷尚須嚴加懲辦。現在和議將開。萬勿再行派兵闖入晉境。致生波折。所有各路防營。務飭妥籌因應。勉顧大局。仍將洋兵進止情形。隨時電奏。○興京副都統靈照奏。俄軍入據奉天省城。兵勇潰散。沿途焚掠。防敵捕逃。勢難兼顧。得旨。著仍極力守衛。

德宗景皇帝實錄

卷四百七十四

四

陵寢。毋稍疏失。並將嗣後情形。隨時馳報。○察哈爾都統奎順奏。洋兵隊伍。已過居庸關。由懷來一帶北進。已飭張家口各隊。隨時彈壓防守。得旨。著即認真彈壓防守。並將此復情形。隨時馳報。○山西巡撫錫良奏。晉省奉撥銀兩。遵辦賑撫情形。得旨。著即將賑撫事宜。督同司道。飭屬妥籌辦理。毋任一夫失所。○黑龍江副都統薩保奏。黑龍江省城失守。將軍壽山死節。並旗民遭亂。流離情形。得旨。現在俄人尚無久據之意。已派增祺。辦理接收事宜。該副都統仍勉著諸拉。力維大局。為要。○解濟運總督松椿。職以山東布政使。張人駿。為漕運總督。○今浙江巡撫劉樹堂。開缺候簡。以浙江布政使傅

祖署為浙江巡撫。浙江按察使榮銓為浙江布政使。○癸卯諭軍機大臣等。電寄奕劻等。本日據綽哈布電奏。奕劻李鴻章有電。催令由江下駛。航海先赴旅順。與俄提督商議大略等語。已諭令照行矣。此事關繫緊要。應如何示以機宜。俾辦理得有依據。著該親王等。詳晰電知綽哈布為要。○又諭。電寄綽哈布。江電悉。即著沿江下駛。航海赴旅。毋庸前來行在請訓。以期迅速。本日已有旨。諭令奕劻李鴻章。將會晤俄提督。如何因應。到任後如何措置之處。先行密示機宜。該將軍即著電詢奕劻等。妥籌辦理可也。○又諭。電寄丁振鐸。冬電悉。具見急公。行在需餉費繁。即著該署督。量力提前籌解。○

德宗景皇帝實錄

卷四百七十四

五

閩浙總督許應駟奏。福建銀圓局未便停止。請照吉林著省成案。仍舊鑄造。並請鑄大錢。允之。○又奏。請派大臣專司電奏要件。得旨。凡有電旨電奏及各項官電。著行在總理衙門。另行設錢。專司其事。勿與商電摺端。○又奏。閩省大水為災。民食不給。請飭兩江總督於每年額定免稅漕米外。加運十萬石。俾資接濟。得旨。本年閩省被水成災。著准其於額定免稅漕米外。加運十萬石。嗣後不得援以為例。○以浙江鹽運使世杰為浙江按察使。○以湖南按察使胡廷幹為山東布政使。調山東按察使胡景桂為湖南按察使。以山東督糧道高其亨為按察使。○甲辰。熱河都統已楞額奏。逃兵竄擾

赤峯縣街。砸毀監獄。搶劫衙署。焚燒舖戶。現派兵勇捕情形。得旨。著即嚴飭派出各軍。實力兜剿。仍分別解散。毋任紛竄滋擾。○乙巳。諭軍機大臣等。電寄錫良。電奏赴雍所部振遠十營。現在順德易州一帶。孤軍無主。饑餉將清。直隸庫款。由道員葉元琦運至汴。著飭請撥發等語。著于陰寒遼派得力鎮道大員。會同葉元琦。馳往順德易州。將振遠各營。先行撥給兩月餉項。一面認真淘汰。分別遣歸。如于陰寒尚未到任。即著任道鎔遵照辦理。○又諭。電寄奕劻等。疊據錫良電奏。法兵西進不止。晉防日緊。恐致開釁等語。法兵西進。自為尋仇起見。現在鎮督已撤嚴辦。初三日電諭。想已轉告各使。著

德宗景皇帝實錄

卷四百七十四

六

奕劻。李鴻章。再與法使切實商酌。並告以晉省教案。俟和議定後。再專派大員。持平查辦。萬勿再行進兵。致礙大局。而傷睦誼。該省自錫良到任。以極力保護教士。安輯教民。目下民教相安。辦理甚為妥協。並告各使儘可放懷也。○烏里雅蘇台將軍達順等奏。擬飭蒙古大兵移回和碩。添募鋪勇。支應冬防。允之。○又奏。邊防喫緊。札盟地界。尤為重要。請將扎盟盟長達什拉布坦年班。暫行停免。與邊防甚有裨益。允之。○統領威遠各軍貴州提督夏毓秀奏。軍抵韓侯嶺。密布地營。以固陝省門戶。得旨。著即將地營如法布置。以資扼守。仍俟布置妥協。繪圖呈覽。○今輔國公奎璧守護

來陘○以河東河道總督任道籌兼署河南巡撫○丙午諭軍機大臣等電寄張之洞統電悉即著照所議辦理○丁未諭內閣朕奉

慈輿巡幸陝西所有潼關華州渭南臨潼咸寧各處州縣驛路經過地方本年應徵錢糧業經加恩豁免現在駐蹕長安後復較繁民力未免拮据自應一體加恩以示體恤著奉春煒即飭藩司將長安縣本年錢糧酌量應徵豁免迅速分別辦理並著刊刻勝券頒行張貼務期實惠及民毋任文書舞弄用副朝廷巡方施惠至意○桂祥隨扈以銀藍旗滿洲都統當禮泉署鑲白旗漢軍都統○命都察院左都御史溥良回

諭旨景皇帝實錄 卷四百七十四 七

京仍留署辦事○戊申

慈禧端佑康頤昭豫莊誠壽恭欽獻崇熙皇太后萬壽聖節上奉大阿哥暨王以下文武大臣詣

皇太后前行慶賀禮衆官於

行宮門外行禮○安徽巡撫王之春奏江防總重下游現分武衛楚軍副五營馳赴揚州駐紮以爲鎮江江陰聲援恭願清江浦運路報聞○已酉諭軍機大臣等黑龍江將軍綽哈布電奏請飭准各省欠糧並撥來年的餉等語著戶部迅速催撥以資接濟○又諭電寄奕訢等綽哈布奏豫籌到省後應辦事宜請撥鉅款或在流息借等語著奕訢手鴻章電

飭或宣懷係該將軍抵滬或向中國通商銀行或向匯豐銀行妥籌商辦先行急借銀三四十萬兩以應急需至該將軍到旅順晤俄提督因應機宜及到省後如何接收布置之處仍遵前旨詳細豫籌電知綽哈布爲要○庚戌諭內閣甘肅提督董福祥從前在本省辦理回務應著戰功自調來京後不諳中外情形於朝廷講信修睦之遠未能仰體遇事到多曲諒本應予以展懲姑念甘肅地方緊要該提督人地尚屬相宜著從寬革職留任其所部各軍現已裁撤五千五百人仍著帶領親軍數營赴日馳回甘肅扼要設防以觀後效○

諭軍機大臣等瑞澂等八月初七日所發摺片軍共十二件

諭旨景皇帝實錄 卷四百七十四 八

於閏八月初三日奏到當將辦理蒙圈一事等語該參贊等遵照其摺件均經批諭於初四日由太原發驛進而軍機處辦理事件從無積壓之弊該參贊首於接奉寄諭之後不加詳察無厭違到摺件一概壓閣實屬不如大體以上各摺件究竟曾否收到著即查明具奏至所稱地方公事暫緩具奏等語該參贊等身膺邊要於應奏事件自應照常辦理豈能概不具奏所謂允屬非是著傳旨中飭仍遵前旨隨時隨地慎辦理毋再誤會爲要將此諭令知之○又諭電寄錫良或衡中軍吳炳春所統之石光賢等兩營前諭令錫良飭令來陘尚未電覆該營究竟行抵何處著仍遵前旨查明飭令迅

達來陝。交鄧增統帶。○免已革四川補用直隸州知州張懌發達。交固原提督鄧增差委。○辛亥諭軍機大臣等。電寄劉坤一。真電。悉。清江轉運分局。既據奏請緩辦。即著暫緩添設。惟漕糧關緊要。該督等務當設法趕運。行在。毋誤要需。○察哈爾都統奎順等奏。英德意奧四國洋兵。已過宣化。現調鎮邊新軍。察哈爾兵隊。各一千人。於張家口一帶分段防守。以阻洋兵西趨之路。報聞。○又奏。洋兵到境。伺喝為端。經派軍臺效力。已革江蘇候補道沈敦和。入死出生。與之委曲爭論。始獲無事。請將沈敦和破格擢用。得旨。沈敦和著免其費遣。交奎順等差遣委用。○壬子諭內閣。欽奉。

德宗景皇帝實錄

卷四百七十四

九

慈禧端佑康頤昭豫莊誠壽恭欽獻崇熙皇太后懿旨。本年陝西天時亢旱。秋成大半無收。災區甚廣。現雖得有官澤。二麥已不及播種。糧價昂貴異常。小民流離轉徙。困苦情形。殊堪憫惻。前經降旨。於本月初一日。提前開辦粥廠。惟被災各屬飢民眾多。待賑孔亟。加恩著發銀四十萬兩。由行在戶部撥給。交岑春煊妥為賑濟。該撫務當督飭藩司。迅速廉幹印委。各員。並公正紳董。查明災區輕重。妥議章程。分別裁發散放。總期實惠均霑。不得假手吏胥。致滋弊端。用副朝廷軫念災黎有加無已之至意。○諭軍機大臣等。電寄奕劻等。數日以來。與各使商議情形如何。未據電奏。殊深廑念。該親王等。責

重全權。如有為難之處。不妨據實直陳。朝廷必能審時度勢。酌奪辦理。切勿遲延。日久。致大局益難收拾。現在是否開議。條款。曾否見過。著即迅速電聞。○又諭。電寄奕劻等。前據電奏。洋兵開入易州。逼近

陵寢。現聞洋兵業已退出。如何情形。著奕劻。溥植。率員。迅即具奏。○又諭。電寄劉坤一。等。陝省連年均有偏災。本年災情尤重。適逢駐蹕西安。目擊飢民困苦情形。深堪憫惻。亟應寬籌糧食。以資接濟。臺經諭令劉坤一。等。將江蘇留存海運漕糧二十萬石。兼程趕運。尚未據報啟程。著劉坤一。等。詳籌。迅速設法。分路趕運。若僅恃漢口一局轉運。萬萬緩不濟急。該督

德宗景皇帝實錄

卷四百七十四

十

等當存已飢已溺之懷。實力督催。毋稍延緩。其清江轉運局。樺祖祁。採買米十萬石。並湖北採買米十萬石。樺祖祁。報稱。業已由漢口起運十批。每批一萬石。現在節屆冬令。災民嗷嗷待哺。著張之洞。飭令樺祖祁。於龍駒寨水運一路外。另由襄樊一路籌辦分運。庶期水陸兼行。較為迅速。聞湖北襄陽一帶。雖糧麥石頗稱充裕。並著張之洞。景星。等。款採買一併起運。以賑災黎。是為至要。○甘肅新疆巡撫饒應龍。奏。伊犁俄國領事。開警調兵自衛。並運礮入卡。現正議和。未使用兵力。阻居民尚屬相安。得旨。仍著隨時嚴密防範。相機因應。毋任奸民勾結為患。○調陝甘總督魏光燾。為貴州總督。宣

貴總督松善為陝甘總督○以正黃旗滿洲副都統祥普為
鑲藍旗護軍統領調鑲藍旗蒙古副都統景濤為正藍旗滿
洲副都統以貝子毓崐為鑲藍旗蒙古副都統○予故鑲藍
旗護軍統領二等公定昌卹典如例○癸丑諭軍機大臣等
徐壽朋營民教不和實為地方大患此次商辦和議能於所
訂條款中略參活筆為日後妥商地步又王之春魯公法於
鄰國公犯有禁其為亂之責請飭援據後法議令將康有為
等羈禁各等語著奕訢李鴻章收存備酌原片均著鈔給閱
看將此由六百里諭令知之○授協辦大學士戶部尚書王
文韶為大學士管理戶部事務令戶部尚書崇禮吏部尚書
德宗景皇帝實錄 卷四百七十四 十一

徐鄴協辦大學士○調禮部尚書鹿傳霖為戶部尚書以前
協辦大學士吏部尚書孫家鼐為禮部尚書○冰肅親王善
耆為崇文門正監督吏部尚書張信為副監督○令陝甘總
督崧蕃馳赴新任雲貴總督魏光燾即赴行在以甘肅布政
使李廷菁護理陝甘總督未到任前以甘肅按察使何福璽
暫行護理○甲寅以南河安瀾令漕運總督松椿度詣
大王將軍各廟祀謝○諭軍機大臣等電寄奕訢等密電悉
著即遵便宜行事之旨酌裁辦理仍遵催開議為要○諭制
三江閘浙五省援軍福建陸路提督程文炳奏遵旨撤換武
衛楚軍統領吳隆海以幫統候選道劉駕烈接統現已督軍

進抵漳河並查明打斃勇丁係左哨哨官文緯鳳誤為前哨
哨官章明達請飭部更正以歸覈實得旨仍著展中紀律督
飭各營認真訓練以資戰守文緯鳳著即行革職章明達革
職處分已飭部更正矣○陝西巡撫岑春煊奏請將部撥銀
項改募兩堂以嚴拱衛而符營制允之○以禮部尚書孫家
鼐為翰林院掌院學士○乙卯諭軍機大臣等電寄袁世凱
洋兵趨向莫定本省防務自宜妥為籌備著該撫視洋兵所
向相機因應穩慎辦理總以毋礙和局為要○黑龍江將軍
綽哈布奏據善黑龍江應辦事宜以治兵辦賑給餉為急務
以訓農辦礦為本圖請飭部將各省積欠餉項迅速匯解並

准在滬先借商款以濟急需得旨借款各節已據該將軍電
奏飭奕訢李鴻章豫籌辦理矣餘著各該衙門知道○調西
安左翼副都統長春為成都副都統成都副都統恩存為西
安左翼副都統○丙辰諭軍機大臣等電寄奕訢等諒電悉
全權教書用寶即著照所請辦理○又諭電寄于蔭霖元電
悉夏辛酉甫經表世凱調回山東礙難他調總兵李南華遊
擊劉應貞著玉之春岑春煊即飭該員等迅速赴汴交于蔭
霖差遣委用○四川總督奎俊奏遵旨借款培修成都駐防
官署兵房分別緩急辦理下所司知之○丁巳諭軍機大臣
等奎俊奏本年山陝荒旱驛站應付為難援案請免遣使朝

貢一摺。現在山陝兩省被災情形甚重。驛站應付。實屬為難。所有廨爾喀暨前後藏刺警並各土司。著准其暫緩朝貢。俟道路平靖。再行照例辦理。如有使費已啟行。即令在成都將表文貢物交清回藏。由查俸派員代遞。將來奏書及恩賞等物。頒發到川。並由該督派員齎藏。交裕綱等轉發。以示體恤。將此由五百里諭知查俸。並迅速知照裕綱。妥成等遵。照辦理。○又諭。電寄奕劻等。甯電悉。浙江交涉事件。關係緊要。俾祖翼既升任巡撫。必應妥辦。何至豫存成見。深恨洋人。所言並無實據。衢州教案。現已電飭俾祖翼迅速持平辦理。如果該撫辦理未能妥協。應如何處置之處。朝廷自有權衡。決無姑息。德宗景皇帝實錄

督余虎恩。本年六月間。召募營勇。僅止五營。該大學士飭令裁撤之時。計成軍甫經兩月。領銀已至五六萬兩。現復另索遣費。實屬貪婪。茲於余虎恩著先行開去。喀什噶爾提督交袁世凱。就近查辦。據奏。袁原指著鈔給閱看。將此由五百里諭令知之。尋袁世凱奏。遵旨遣散余虎恩所帶各營勇。及查辦。參款情形。請飭勒限追繳。以重款項。得旨。著交岑春煊。歸案查辦。○又諭。電寄奕劻等。冷電悉。全權款書用費。十八日已有旨。照所請辦理。李鴻章甯電。所擬致俄國電。著照所請行。仍著奕劻等。迅速開議。為要。○又諭。電寄劉坤一等。結電悉。餘漕二十萬石。運路既艱。運費尤鉅。惟陝省待賑孔殷。仍著該督等。另籌運費。陸續起運。能運若干。不拘石數。以資接濟。至本屆江浙新漕。自應照常辦理。所請酌量改折之處。著毋庸議。將此電諭劉坤一等。毋違。○又諭。電寄劉坤一等。和諭軍機大臣等。丁振鐸奏。漢省辦理洋務。需費甚巨。請飭派員來漢。差委一摺。現在雲南辦理交涉事件。需才孔急。著奕劻於總理衙門。記名海關道內。遴選熟悉約章。堪勝提督局務之員。派令迅速赴滇。並隨帶精通法文。繕譯學生。一件前往。以資任使。原摺著鈔給閱看。將此由五百里諭令知之。○又諭。電寄錫良等。電悉。洋兵在東大門。施放槍礮。我軍未曾回擊等語。仍著錫良飭令劉光才。穩慎防守。毋得孟浪從事。是為

至要。○又諭軍機大臣等。憚祖翼著浙江衢州教習著派成宣懷會同憚祖翼迅速認真查辦。妥為了結。毋再延擱。○陝甘總督魏光燾奏請飭部催各省開辦濟甘新兵餉。並勸開兩淮舊餉。得旨著戶部嚴催各省開辦。並著撥濟。俟再任值回。應即著該部指名奏參。○以光祿寺卿崇壽。太常寺少卿貴昌。大理寺少卿溥綱。左春坊左庶子徐驥。為內閣學士。兼禮部侍郎。○以翰林院侍講學士秦致章。為詹事府詹事。太僕寺卿印啟。為太常寺卿。○以伊犁鎮總兵焦大聚。為喀什噶爾提督。○庚申諭軍機大臣等。御史彭述奏。現值議款。請婉商各國。停止傳教一摺。所奏是否可行。著奕劻。李鴻章。參酌辦理。

此次償款。數鉅期長。無可羅掘。與其搭括開闢。何如整頓關稅。鴉片暢銷。一大漏卮。英國士紳設會禁止。似可因勢利導。為議禁地步。鑄價漲落。中國受虧甚大。請據為議定。並改納金鎊。各等語。所呈是否可行。著奕劻。李鴻章。劉坤一。張之洞。於開議時。參酌辦理。原呈一件。片一件。均著鈔給閱看。將此由六百里各諭令知之。○又諭軍機大臣等。現在庫款奇絀。所有各營旗兵餉。皆當裁實散放。不得稍有虛糜。神機營虎神營官弁兵丁。除隨扈及驍缺外。實存若干。著該親手確切查明。至兩翼前營八旗護軍。兵數亦有不齊。並著督飭各該統領。詳細確查。報明實數。發給餉項。毋得稍有虛冒。將此由六百里諭令知之。○山西巡撫錫良奏。查明洋兵拿據紫荊關。委係彼先開闢。藩司升允督軍慶豐。並未全退。平型關情形。得旨仍著督飭升允。穩慎扼紮。以固邊防。○命江西巡撫松壽。來行在陸見。○予山西軍營病故湘晉兩軍統領湖南候補道張成。著優卹。○准兵官等借支庫銀利息。展限兩月。○發帑贖內閣。錫良奏。春煇春請開泰。晉實官捐輸。以資賑濟。一摺。山西陝西兩省災區甚廣。籌賑維艱。著照所請。准其開辦實官捐輸。所有銓補章程。均照新海防捐一律辦理。另片奏。辦賑員紳。請申明實罰等語。此次辦理賑務。非常偏災。可比委辦員紳。果能實力實心。勤勞周辦。即著照軍營吳常勞。

續保獎如有侵吞款項玩視民瘼者即著從嚴懲辦毋稍姑
容○諭軍機大臣等鴻臚寺少卿葉維泰和議將開亟圖
補救一摺所奏通商傳教價費各條是否可行著奕助李鴻
章劉坤一張之洞參酌情形於議款時妥為辦理原摺均著
鈔給閱看將此由六百里各諭令知之○又諭晉昌等奏奉
省情形一摺已悉前已有旨將晉昌開缺金紳所統仁字軍
派清甯接統矣晉昌著仍遵前旨聽候查辦現在東三省俄
人已許交還所有請出之

聖容

御覽著敏魯布扎布羅卜藏喇西堪謹供奉俟盛京收復後即

德宗景皇帝實錄

卷四百七十四

十七

行恭道運省片奏金條屆時一併送繳將此各諭令知之○
盛京副都統晉昌奏會同聯合各蒙旗徐圖恢復得旨東三
省俄人已許交還已諭令奕助李鴻章妥為辦理接收矣○
以辦事乖謬革職○以辦事不稱革職○以辦事不稱革職○
雲南補用守備黃鍾瑞職並訊辦○甲子諭軍機大臣等御
史管廷獻奏疏通商運以濟民食一摺據稱河南開封以東
接連山東兗曹魯泰沿河一帶秋收最豐若採買小米由黃
河上駛運至孟津半運至陝州會興鎮雇用回空鹽車轉運
輾為便捷著于陰霖袁世凱奉春煊斟酌辦理又稱河南府
屬及陝州各屬鄉民沿途持械截擄官運沿路掣勒以致商

德宗景皇帝實錄

卷四百七十四

十八

販裹足著于陰霖查明嚴禁並派委妥員保導商運至所稱
河南未買未運之糧由河西運以及江南未運餘糧由南運
河入黃河上駛由漢口至龍駒寨運路尤便運費亦省等
語現在河水將合所請是否可行著張人駿于陰霖袁世凱
等會商妥辦原摺均著鈔給閱看將此由六百里諭令知之
尋袁世凱奏遵籌運河辦法應俟解凍後察看情形設法辦
理報聞○又諭雷奇憚祖畧有電奏衢州城守營都司周之
傳著先行革職歸案訊辦○以欠徵米銀革福建都司周之
崇錫書已故長汀縣知縣文餘職並勒令○以短交庫款革
福建已故清流縣知縣吳宏成職提屬勒令○以水雷失慎
福建漳州鎮總兵洪永壽下部議處○乙丑諭軍機大臣等
電寄奕助等徑電悉懿親不加矜各國通例早經聲明何獨
英使反齒其中必有別故朝廷惟恐夜長夢多是以前該親
王等便宜行事之權不為違制如有為難之處並諭令據實
直陳來電云云其詞不勝焦慮著即迅籌開議務期及早了
結一切妥協以便定計回鑾○以擒獲匪首肅清邊界賞江
西巡撫松壽頭品頂戴代理廣豐縣知縣李樹花翎武生周
雲榜蘇州子廣東瓊州鎮總兵中道發運員用江西廣信府
知府查恩條軍機處存記州判俞厚官等升敘加銜有差○
丙寅諭軍機大臣等前經降旨將張警發往新疆著即日赴

解毋再遲延。○又諭。前有旨。將載瀾。載勳。革去爵職。交宗人府圍禁。俟軍事平定後。發往盛京圍禁。現在正將開辦。不可任其自便。致貽口實。前在滿洲。迭次已有旨。令載瀾載勳。毋庸隨扈。即著錫良就近於滿洲。將該革王等派員管束。俟回鑾日。再行解京圍禁。將此由五百里諭令知之。○又諭。已革莊親王載勳。前在滿洲時。傳旨令其毋庸隨扈。本日已有旨。令錫良即在滿洲就近管束。現在該革王等。仍留何處。著派柱春即日查明。催令載勳一同前往滿洲。交錫良派員妥為管束。載勳之子溥綱。並隨同柱春前往。將此諭令知之。○又諭。宋慶春患病。加劇。請假調理一摺。業於摺內批示。賞假三箇月。在營調理矣。現在洋兵雖未深入。晉省防務。仍不可稍形疏懈。著錫馬玉善隨時會商籌辦。務臻妥協。宋慶春成宿望。晚暢戎機。遇有營務緊要事件。並著馬玉善。秉承宋慶春辦理。免致貽誤。將此由五百里各諭令知之。○河南學政朱福抗春。周始縣知縣楊溶等。捐建姑經精舍。課士已飭地方官加意維持。以垂久遠。報聞。○以品學優長。予河南滎陽縣教諭李恆春等五員。項城縣舉人楊波閣等四名。洛學明道兩書院主講湖南孝廉方正黃舒昂等二名。獎敘。○以浙江海面。殺獲連風難民。予直隸州知州李文恩等升敘有差。○丁卯。諭內閣。是同等。奏大員闕家殉節。懇恩優卹一摺。宗室奕

德宗景皇帝實錄

卷四百七十四

十九

德宗景皇帝實錄

卷四百七十四

二十

習秉性。篤誠。當差勤慎。歷充奉宸苑禦營儀衛。正白旗護軍統領。正白旗滿洲副都統。銜前侍衛。均稱厥職。本年七月。聞目擊時艱。憂憤自盡。洵屬見危授命。忠義偉然。著賞太子少保銜。照都統例賜卹。入祀昭忠祠。並加恩予諡。以彰忠蓋其妻祥佳氏。率同伊子載瀾及其妾瑞氏。宋氏。李氏。並女五人。闕家投井殉難。忠節萃於一門。均著准其旌表。尋予諡忠烈。○諭軍機大臣等。前四川協領河清所帶迎厄旗兵三百名。著恩敘勛。令該協領即行帶回成都駐防。該兵丁等往返長途。著加賞一月恩餼。以示體恤。即由惠銘按名給發。併將銀數開報軍機處。○又諭。增祺等奏。詳陳奉省情形。並自請治罪。各摺片。現在東三省俄國已許交還。業經諭令奕劻。手鴻章。知照該將軍等。與俄員賂商接收。據奏。助等電奏。該將軍尚在義州。即著馳回省城。妥與俄員商辦。並隨時電商奏。助等指示一切。期臻妥協。增祺等。於此文事變。未能豫為籌畫。以致地方蹂躪。皆屬咎無可辭。增祺。玉恆。清錫。當寬薩慶溥。題。鍾靈。均著交部議處。晉昌前已有旨開缺。聽候查辦。即著先行革職。將此諭令知之。尋兵部議。增祺。玉恆。降二級留任。清錫。索寬。薩慶溥。題。鍾靈。罰俸一年。事關失守城地。照例不准抵銷。從之。○又諭。俞廉三奏。匪徒焚毀教堂。傷斃洋人。查辦情形。一摺。本年六月。聞湖南衡州府城外。教堂兩處。均被

匪徒焚燒並將洋教士范懷德等斃命該地方文武各官先
事既未能防範臨時尤未能彈壓禁阻實屬咎無可辭衛永
柳桂道隆文補用都司王鼎華均著即行革職衡州府知府
裕慶著開缺以同知降補至傷斃洋人被毀教堂應如何分
別償卹即著俞廉三督飭道府各員迅速妥為了結勿延為
要將此諭令知之○太常寺卿王培佑等奏洋兵退出會同
抵謁

太廟嚴謹查看觚棱未改法物多存先陳大抵情形得旨嚴悉

○又奏祭器闕失品物未具孟冬時享典禮請暫緩舉行報
聞○奉天府府丞陳兆文奏俄兵入據奉天省城將軍府尹

德宗景皇帝實錄

卷四百七十四

二十一

禦敵在外羣黎無主暫權理安民守護

陵

殿並請吏部議處得旨仍著將守護安撫事宜暫行妥為經理
所請議處之處著加恩寬免○戊辰領光緒二十七年時憲

書○以黃河安瀾令直隸大名道龐鴻書虔詣李連莊高村

黃莊

大王廟祀謝○齊齊哈爾副都統薩保奏俄兵久據奉天省

城和議無期生民危迫請早拯救得旨現在東三省俄人已

許交還新授將軍紳哈布不日抵省著仍竭力維持俟紳哈

布到任後會同妥籌整理○又奏黑龍江省民失守將軍壽

山元節生靈束手待斃請速設法拯救得旨現在俄人尚無

久據之意已添增糧辦單接收事宜該副都統仍當勉籌措
力維大局為要○都察院左副都御史曾廣譽乞開缺養

親允之○以貝子譚倫為正白旗滿洲副都統調鎮黃旗漢

軍副都統全福為正紅旗滿洲副都統以內閣學士孚琦為

鎮黃旗漢軍副都統鎮國公載澤為正白旗護軍統領鎮黃

旗滿洲副都統希明阿為正藍旗護軍統領○以營勇樊棕

約末無方摘武衛前軍統領廣東南韶連鎮總兵馮義智頂

戴仍勒勒勒羊幫統守備胡殿甲等職○以李匪劫署全家

遇害予直隸懷柔縣知縣焦立奎暨妻室子女華友家丁勇

德宗景皇帝實錄

卷四百七十四

二十二

役等優卹革救護不力之都司項淮揚把總周鳳瑞職○以

解散拳匪父子被執予直隸固安縣典史王文燮暨子德善

優卹○以遇敵不屈從容殉難予直隸青縣知縣沈殿初北

倉大使胡開翰優卹○予遇敵誤斃武衛前軍左路統領參

將范玉普黑總兵例優卹○予應敵遇害管帶陝軍武威復

營陝西候補知縣歐培墻優卹

大清德宗同天崇運大中至正經文緯武仁孝睿智端儉寬勤

景皇帝實錄卷之四百七十四

德宗景皇帝實錄

卷四百七十四

二十三

大清德宗同天崇運大中至正經文緯武仁孝睿智端儉寬勳景皇帝實錄卷之四百七十五

光緒二十六年庚子十一月己巳朔冬至祭歷代陵寢由守護大臣等行禮○

上詣

慈禧端佑康頤昭豫莊誠壽恭欽獻崇熙皇太后前問安至丁酉皆如之○諭軍機大臣等本年自五六月以來各省人心浮動教案疊出而江西為尤甚李興銳尚未到任張紹華貴無旁貸務將各處教案迅速持平了結免貽口實現在時事貼危萬不可再釀釁端致大局益難收拾李興銳到任後遇德宗景皇帝實錄卷四百七十五

有交涉事件務當審時度勢悉心籌畫萬勿稍涉疏忽以致辦理棘手是為至要將此由五百里諭知李興銳並傳諭張紹華知之○又諭電寄李興銳江西地方緊要著迅即馳赴新任毋庸前來行在請訓○載澤隨扈以正紅旗蒙古副都統濟善著正白旗護軍統領○以宗人府府丞成章為都察院左副都御史大理寺少卿咸宜懷為宗人府府丞未到任前以太常寺卿王培佑著理○庚午諭內閣山西教堂自錫良到任以後於該省教士教民飭屬認真保護數月以來晉省民教相安誠恐日久該地方官復形疏懈匪徒等或藉端滋事著錫良再行通飭各屬於有教堂處所務須格外加意

防護僅有匪徒藉仇教為名有意尋釁或兵勇滋擾即飭嚴拏務獲從重懲辦並將該地方文武及管帶營官履行參辦毋稍寬貸○又諭壽全等奏公前殉節懇恩賜卹一摺入八分奉恩輔國公光裕平日當差勤慎派往守護

陵寢亦復盡心職守本年九月間日晷時艱憂憤自盡洵屬大節懔然著追贈貝子銜交宗人府從優議卹入祀昭忠祠並加恩予諡任內一切處分悉予開復應得卹典請衙門查例具奏伊子廣壽服闋後准其照例承襲尋予諡勤懇○守護西陵大臣奕撰等奏九月初各國分兵來至易州盤踞山陵衛署營房同被占踞得旨洋兵尚未退盡仍著隨時認真德宗景皇帝實錄卷四百七十五

保護○又奏守護兵役餉銀向由直藩領取現在洋人占踞省垣請由易州支發允之○守護

東陵大臣壽全等奏九月中旬以後洋兵四起先後至馬蘭峪瞻仰

陵寢旋即全退尚未滋擾得旨仍著隨時認真守護毋稍疏虞○又奏閏八月間武衛前軍探捕拳匪

昭西陵金銀器庫被掠去八十三件行文該營緝辦尚未查獲自請議處得旨壽全望坤著各該衙門議處德連著交部議處○順天府奏商允日本兵官交還南新倉三廠開辦粥廠並電請商務大臣咸宜懷由流代製棉衣袴褲套運京散放

以患災黎報聞○巡城御史文璩等奏五城紳董暫立公所辦理交涉地面漸就安堵報聞○平末以陝西富澤稀少命巡撫岑春煊派員前往

太白山拈香祈禱○以才堪任使復已革山西太原縣知縣

何宗遜職留直隸提督馬玉崑軍營差遣○壬申諭軍機大

臣等主之奏奏洋教開辦禁邦交亟宜東機議約一摺據稱宜

約俄日兩國釐同商務最盛之英美以保全利益為詞於傳

教一事公同議一善復之策似於防患之道不無裨益又據

劉坤一奏時局艱危俄陳惡慮摺內慎教業一條據稱近日

英國沙侯及日本宗教皆謂西教行事或亦不無遺憾正可

德宗景皇帝實錄

卷四百七十五

三

迎機善導請飭於開議時婉切商訂另立專條總以不得干

預詞訟為第一要義各等語著奏助導鴻章斟酌辦理王之

春摺及劉坤一摺均著分別摘鈔給與閱看將此由六百里

各諭令知之○令刑部而書趙舒勉會同陝西巡撫岑春煊

籌辦陝西賑務○以品學兼優子甘肅古浪縣訓導王汝賢

安化縣訓導劉先庚奏敘○以遺愛在民予故陝甘總督楊

昌濬於甘肅省城建立專祠事蹟宣付史館立傳從陝甘總

督龍光奏請也○癸酉兩江總督劉坤一等奏軍務未竣請

將恩正兩科鄉會試歸併舉行以節經費允之○又奏違犯

康有為違禁潛入長江散放富有票句申會匪謀為不軌在

桐城地方軍柱祭旗投及大通派兵會剿一律盡平出力文
武各員知府李光鄧副將王世雄等請獎下部議○甲戌諭
軍機大臣等電寄英函等江電悉覽所奏各條易勝感佩敬
念

宗廟

社稷關繫至重不得不委曲求全所有十二條大綱應即照允

惟其中利害輕重詳細節目著照昨日祭祿等電信各節設

法婉商磋商而莫稍資補救該王大臣等勉為其難惟力是

視可耳○又諭岑春煊奏南米陸續抵陝懇恩飭撥以資賑

濟一摺所請各州縣分別設廠散糶及省城開設平糶局各

德宗景皇帝實錄

卷四百七十五

四

節均著照所請行惟南來糧米運道艱難一時難以到齊著

該撫會同戶部覈計年內約能運到米石若干分別配撥賑

濟○吏部尚書敬信等奏京員懸缺太多應補各官請改題

為奏免曠職務其月選官及分發人員請候和議有成即簡

在京王大臣先行驗放以示體恤從之○兩江總督劉坤一

奏遵撥槍械派副將王世雄帶運赴陝下部知之○趙舒勉

請假命署刑部左侍郎薛允升會辦陝西賑務○以年老力

衰長江水師吳城營參將趙三喜原品休致○鑄免陝西長

安縣屬錢糧十分之五○乙亥諭軍機大臣等鄧華熙奏苗

匪滋事勦辦情形一摺本年九月間清平縣凱里地方苗匪

聚眾滋事。焚殺劫掠。抗拒官兵。經鄧華熙派道員張勝嚴呈
報飭總兵參有富會同勦辦。該匪復敢竄據丹江廳城。當經
該鎮道等合力攻剿。擊獲匪首王老九等二名。餘匪奔潰四
散。仍著該撫督飭該鎮道等分投按剿。迅將逃匿李學高等
務獲懲辦。毋任漏網。以絕根株。仍將勦辦情形隨時馳報。
此由五百里諭令知之。○以擊獲漢濱積年巨匪于陝西河
縣知縣富天裕等三員獎敘。○以勦捕渭南縣會匪出力。予
陝西署華州知州韓城縣知縣李嘉靖優敘。○以振鼓鉦鼓
于四川培州知州張元章以道員補用。○以輸銀助餉。予四
川即道道陳光弼之生母徐氏一品封典。○兩子山東巡撫

德宗景皇帝實錄 卷四百七十五 五

袁世凱奏新泰縣知縣田寶榮報效軍餉萬一千兩。諸城縣
知縣莊洪烈報效軍餉千兩。請量予恩施。得旨。田寶榮莊洪
烈均著戶部覈給獎敘。○以臨陣潛逃。縱兵擾民。革山東守
備于鳳鳴等四員職。置諸法。其在逃之都司劉鳳鳴等二員
並革職。○丁丑。諭軍機大臣等。電寄吳助等。陽電悉。條
款大綱。固已照允。惟詳細節目。仍須設法婉商。磨厲力圖補
救。本日張之洞電奏條款內第五款。專為製造軍火之材料
一句。如果照允。中國永無禦侮之具。即會匪潰勇。亦不能鎮
懾。且各省製造槍礮局。均須停辦。關警匪。為伍使揚使
來電。皆云俄美外部所告。只言警禁。是此條必不可商改。等語。

著吳即。李鴻章。與各使婉切相商。將專為製造軍火之材料
一句刪去。並議以警禁年分。較為妥協。○又諭電寄吳助等。
張之洞初九兩電。悉所籌回鑒一節。甚屬周密。不為無見。即
著將原電。電知吳即。李鴻章。參酌辦理。該督與劉坤一均奉
有會商使宜行事之旨。但有所見。即著徑電該親王等商酌。
以期妥速。吳即。李鴻章。現據條款。如有應行參酌之處。亦隨
時電商。該督等。互相斟酌。期臻妥協。○以虧款延緩。革河南
溫縣知縣秦本保職。籍虛備擬。○以沿途騷擾。革定威軍營
官都司杜召堂職。遞解回籍。交地方官嚴加管束。○以遵命
捐助團練經費。予河南固始縣候補訓導姚繼明為其故生

德宗景皇帝實錄 卷四百七十五 六

晉建坊。○戊寅。諭軍機大臣等。奏春煊奏。陝西賑務方殷。款
項已罄。擬暫借撥甘肅新強糧餉以應急需。一摺。本年陝西
災區甚廣。飢民眾多。賑務為日方長。所籌各款。緩不濟急。自
係實在情形。惟甘肅新強兩省常年例有專餉。是否能移緩
就急。暫行挪借一百萬兩。俟籌有的款。再行坤數歸還之處。
著岑春煊咨商陝甘總督通籌策。方無窒礙。另片奏。嚴探
賄戶勸捐富戶等語。奸商囤積居奇。情原可惡。但探之過嚴。
亦多流弊。該撫務當嚴飭地方官。穩慎妥辦。至富戶踴躍周
恤。樂輸。但必須善為勸導。毋任吏胥紳董等有藉勒之弊。方
為允協。將此諭令知之。○以粥廠擠斃飢民。革陝西試用道

判陳恩權職。○己卯召見記名直隸州知州文部主事洪壽與得旨著以直隸州知州發往廣東交陶模。○德壽差違奏用。○江蘇巡撫松壽奏。參獲九江會匪康雲李炳榮等。訊明正法。請獎出力員弁。得旨著准其擇尤保獎數員。毋許冒濫。○庚辰諭軍機大臣等。電寄奕劻等。張之洞電奏條款總官第二項內。遵奉內廷諭旨一語。句中有眼。該飭皖商刪去等語。此句實有關繫。閏八月初二日。應辦首揭諸臣。諭旨內。早有實非朝廷本意之語。著奕劻李鴻章據此。力為辯論。總以劃除為要。○又諭電寄奕劻等。楊儒若投為全權大臣。與俄國商辦接收東三省事宜。此事俄廷深敦睦誼。允許交還。一切

將日後字改去。要一切節目內。償恤款改約章兩條。尤須細酌。此外亦多有須詳細磋商之處。並著該親王等。悉心討論。隨時電商劉坤一。張之洞。互相妥酌。切勿草率。畫押為要。○召見記名道李維森。得旨著仍交軍機處存記。遇有道員缺出。請旨簡放。○湖南巡撫俞廉三。奏長沙等府屬同年成災。請開辦賑捐。以濟食報聞。○又奏勸辦賑捐。請減成義藥。以廣招徠。允之。○湖廣總督張之洞奏。請將漢陽縣丞移投劉家廟。改為夏口廳。分防縣丞役之。○以逃匿無蹤。革直隸昌平州知州果敏中職。○以奉委招撫。革湖北試用知縣張吳亮。補用縣丞陳長卿職。○壬午。諭軍機大臣等。本日據恭

孔多。賑款支絀。請飭山東河南兩省。措匯前欠銀兩。得旨。著
袁世凱。于陰霖。迅速籌撥接濟。○又奏歲底食糶。防軍月餼。
糊口不賒。請裁額增餉。以足軍食。而作士氣。如所請行。○以
祝宇。要隘。力拒洋兵。于山西龍泉關。都司秀恩。以副將。即補。
○錫光。驛路。所經山西各州縣。本年應徵錢糧。十分之二。○
癸未。命宗人府府丞。盛宣懷。充會辦商務大臣。○甲申。諭內
閣。據范岡等奏。遵旨。續查殉難各員。名。恩賜卹。一摺。當諭。
令軍機處。酌量具奏。茲據該大臣等。開單呈覽。或臨難捐軀。
或闔門殉節。允宜。急予褒揚。以彰忠烈。承襲三等承恩公。孫
初。著照例。賜卹。伊長子。候選員外郎。廉定。著照郎中例。賜卹。
德宗景皇帝實錄

一名。均著。准其。旌表。鑒。儀衛冠軍。軍使。文球。著照。副都統。例。賜
卹。伊妻。趙氏。姜王氏。女一名。均著。准其。旌表。兵部。候補。郎中
魁麟。著照。四品。例。從優。賜卹。兵部。候補。主事。王鐵珊。刑部。主
事。韓紹徽。均著。照員外郎。例。賜卹。工部。候補。主事。白慶。著照
員外郎。例。賜卹。伊妻。劉氏。子。聯泰。女一名。均著。准其。旌表。副
將。用。京師。左營。參將。家。襲。實。騎尉。王長。陰。著照。總兵。例。賜卹。
奉恩。將軍。宗室。公。中。位。領。札。隆。阿。著照。三品。例。賜卹。伊子。宗
人。府。筆。帖。式。撰。著照。主事。例。賜卹。子。婦。舒。舒。覺。羅。氏。女。一
名。孫。女。一。名。均著。准其。旌表。宗人。府。筆。帖。式。恩。恩。伊子。學。副官
繼。勳。四品。宗室。繼。勳。伊。姓。啟。勳。世。勳。均著。照。四品。官。例。賜卹。
德宗景皇帝實錄